

楚辭

利

楚辭後語目錄

卷一 成相一

侘詩二

易水歌三

越人歌四

坡下帳中歌五

大風歌六

鴻鵠歌七

卷二 吊屈原賦八

服賦九

發子歌十

秋風辭十一

烏孫公主歌十二

長門賦十三

吊二世賦十四

自悼賦十五

反離騷十六

卷三絕命詞十七

思玄賦十八

悲憤詩十九

胡笳二十

卷四登樓賦

歸去來辭

鳴臯歌

引極

山中人

望終南

魚山迎送神

日晚

復志賦

閔已賦

別知賦

詠風伯

吊田橫

享羅池

琴操

卷五招海賈

懲咎賦

閔生賦

夢歸賦

吊屈原

吊萇弘

吊樂毅

乞巧文

憎王孫

卷六幽懷

書山石

寄蔡氏女

服胡麻賦

毀壁

秋風三疊

鞠歌

擬招

右楚辭後語目錄以鼂氏所集錄續變二書刊

補定著凡五十二篇鼂氏之為此書固主於辭
而亦不得不兼於義今因其舊則其考於辭也
宜益精而擇於義也當益嚴矣此余之所以兢
兢而不得不致其謹也蓋屈子者窮而呼天疾
痛而呼父母之詞也故今所欲取而使繼之者
必其出於幽憂窮蹙怨慕淒涼之意乃為得其
餘韻而宏衍鉅麗之觀懽愉快適之語宜不得
而與焉至論其等則又必以無心而冥會者為
貴其或有是則雖遠且賤猶將汲而進之一有
意於求似則雖迫真如揚柳亦不得已而取之

耳若其義則首篇所著荀卿子之言指意深切
詞調鏗鏘君人者誠能使人朝夕諷誦不離於
其側如衛武公之抑戒則所以入耳而著心者
豈但廣廈細旃明師勸誦之益而已哉此固余
之所為眷眷而不能忘者若高唐神女李姬洛
神之屬其詞若不可廢而皆棄不錄則以義裁
之而斷其為禮法之罪人也高唐卒章雖有思
萬方憂國害開聖賢輔不逮之云亦屠兒之禮
佛倡家之讀禮耳幾何其不為獻笑之資而何
諷一之有哉其息夫躬柳宗元之不棄則鼂氏

已言之矣至於揚雄則未有議其罪者而余獨
以為是其失節亦蔡琰之儔耳然琰猶知愧而
自訟若雄則反訕前哲以自文宜又不得與琰
比矣今皆取之豈不以夫琰之母子無絕道而
於雄則欲因反騷而著蘇氏洪氏之貶詞以明
天下之大戒也陶翁之詞鼂氏以為中和之發
於此不類特以其為古賦之流而取之是也抑
以其自謂晉臣恥事二姓而言則其意亦不為
不悲矣序列於此又何疑焉至於終篇特著張
夫子呂與叔之言蓋又以告夫游藝之及此者

使知學之有本而反求之則文章有不足為者
矣其餘微文碎義又各附見於本篇此不暇悉
著云

楚辭後語目錄終

Blank page with faint horizontal lines and a large tear at the top.

楚辭後語卷之一

成相第一

成相者楚蘭陵令荀卿子之所作也荀卿
趙人名況學於孔氏門人馯臂子弓者尤
邃於禮著書數萬言少遊學於齊歷威宣
至襄王時三為稷下祭酒後以避讒適楚
春申君以為蘭陵令春申君死荀卿亦廢
遂家蘭陵而終焉此篇在漢志彌成相雜
辭凡三章雜陳古今治亂興亡之効託聲
詩以風時君若將以為工師之誦旅賁之

規者其尊主愛民之意亦深切矣相者助也舉重勸力之歌史所謂五穀大夫死而春者不相杵是也卿非屈原之徒故劉向王逸不錄其篇今以其詞亦託於楚而作又頗有補於治道故錄以附焉然黃歌亂人卿乃以為託身行道之所則已誤矣卿學要為不醇粹其言精神相反為聖人意乃近於黃老而復後王君論五者或頗出入申商間此其所以傳不壹而為督責坑焚之禍也差之毫釐謬以千里可不謹

哉可不謹哉

請成相世之殃愚闇愚闇墮賢良人亡無賢如

瞽無相何佹佹相並息亮反上叶平聲墮許規

力之歌也墮壞也瞽無相者瞽者無目故必使人助之亦謂之相不可無也佹佹狂惑之貌使

請布基慎聖人愚而自專事不治主忌苟勝羣

臣莫諫必逢災慎讀作順人叶音滋○布基謂陳

布基業之事也忌猜忌也苟勝不顧義理論臣

過及其施尊主安國尚賢義拒諫飾非愚而上

同國必禍過叶音規義叶平聲禍叶許規反○

者必當自省而反其所以為不可尤而効之也尊主安國者必尚賢義然後可為若如紂之知

是以飾非辨足以非諄已自愚暗又曷謂罷國

多私比周還主黨與施遠賢近讒忠臣蔽塞主

勢移罷讀作疲比必寐反遠近皆去聲○疲謂

是也若國多私則其君亦罷矣還繞也○無家

事能使忠臣蒙塞而人莫敢言則權在於地而

所以移矣此主勢曷謂賢明君臣上能尊主愛

下民主誠聽之天下為一海內賓賢叶湖鄰反

也能明君臣之主之孽讒人達賢能遁逃國乃

廢愚以重愚闇以重闇成為桀孽災也廢顛覆

桀之無道也世之灾妬賢能飛廉知政任惡來

卑其志意大其園囿高其臺能叶如來反臺下

之知是後人誤加今刪去○惡來飛廉之子

來有力飛廉善走父子俱以材力事紂也卑其

高者反里而當卑反高也武王怒師牧野

紂率易鄉啓乃下立王善之封之於宋立其祖

易鄉回也謂前徒倒戈攻于後故微子名下降

紂祀不絕也使世之衰讒人歸比干見剗箕子累

武王誅之呂尚招麾殷民懷○深同○威反○

比干箕子事見九章天問世之禍惡賢士子胥

見殺百里徙穆公得之強配五伯六卿施○許訖

反伯讀為霸施叶上聲○子胥吳大夫伯貞字

也諫夫差不聽為所殺百里奚虞公之臣徙遷

也謀不見用虞滅係虜遷徙於秦穆公秦伯任

好也六卿天子之制施猶置也言其強大僭置

天子之世之愚惡大儒逆斥不通孔子拘展禽

三絀春申道綴基畢輸惡去聲經讀作輟○逆

謂畏匡見陳也展禽魯大夫名獲居於柳下蓋

日惠為士師三見絀春申楚相黃歇封為春申

君綴止也畢盡也輸傾委也言秦中為請牧基

李園所殺其政治基業盡傾覆委地也

賢者思堯在萬世如見之讒人罔極險陂傾側

此之疑雖久不忘但○牧治也言賢者必常見思

於此人然後已基必施辨賢罷文武之道同伏

戲由之者治不由者亂何疑為罷音見上戲與

文王武王欲戲古帝王太昊氏始畫八卦造書

契者言古今一理順之則治逆之則亂無可疑

也凡成相辨法方至治之極復後王慎墨李惠

百家之說誠不祥

祥謂當

作詳○後王當時之土

必事事泥古也慎慎到

墨墨翟季季梁王之治復一

備之吉君子執之心如結衆人貳之讒夫棄之

形是詰

結叶音吉形當作刑○復一歸於一也

人皆當以刑詰之也水至平端不傾心術如此

象聖人而有勢直而用拙必參天

人下脫一字

制反天叶鉄因反○承上章言聖人則世無王

窮賢良暴人芻豢仁人糟糠禮樂滅息聖人隱

伏墨術行

行叶户郎反○無王

治之經禮與刑

君子以修百姓寧明德慎罰國家既治四海平

治直吏反治之志後勢富君子誠之好以待處之敦

固去聲○為治之意後權勢與富者則公道行而有深藏之能遠思待治同上富叶音費好去聲

貨賂息也誠之好以待者誠意好之以待用也

處之厚固又能深思乃精志之榮好而壹之神

以成精神相反一而不貳為聖人好去聲○好

於神明矣相反治之道美不老君子由之佼以

好下以教誨子弟上以事祖考使音絞○老休

新其美不使休息也成相竭辭不廢君子道之順以

達宗其賢良辨其殃孽也○竭盡也廢什

終篇辭不什廢言無窮也○竭盡也廢什

右一章

請成相道聖王堯舜尚賢身辭讓許由善卷重

義輕利行顯明讓亦言也堯讓天下於許由舜

護天下於善卷二堯讓賢以為民汜利無愛德

施均辨治上下貴賤有等明君臣賢去聲○音形為

民求明君所堯授能舜遇時尚賢推德天下治

雖有賢聖適不遇世孰知之治能叶平聲堯不德

舜不辭妻以二女任以事大人哉舜南面而立

萬物備德叶音帝辭叶音似妻去聲大人哉舜

目以為德舜受堯之天下而不舜授禹以天下

辭授受皆以至公無私情也

尚得推賢不失序外不避仇內不阿親賢者乎

下叶音戶得當作德序子並叶上聲○舜之接

禹亦以天下之故也不避仇謂鯀鯀與禹不阿

親則不私其子惟禹勞心力堯有德干戈不用

賢者則子之也

三苗服舉舜剛畝任之天下身休息○剛與畝同

見尚書乃舜得后稷五穀殖夔為樂正鳥獸服

事此義也

契為司徒民知孝弟尊有德書稷契事並是奇

之禹有功抑下鴻辟除民害逐共工北決九河

通十二渚疏三江辟與開同共音恭○許通也

水也流共工決九河通三河並見尚書但流片

工亦舜事今以為禹謬矣十一二渚亦未詳其名

禹溥土平天下躬親為民行勞苦得壹皇陶

也

也

橫革直成為輔

尚書一傳牛讀為新○薄土見

州六土也並集則此

契玄王生昭明居於砥石

遷于商十有四世乃有天乙是成湯

○明十音芒

契本以母簡狄吞玄鳥卵而生故追號之曰玄王中昭明契子也庶不未詳或云即砥柱也商

世見史記

天乙湯論舉當身讓卜隨舉年光

道古賢聖基必張

當叶平聲年或作務湯讓天

見莊子又言湯能行古聖

願陳辭世亂惡善不

此治隱諱疾賢良由茲詐鮮無災患難哉既為

先

此一篇有脫誤連難哉既

聖知不用愚者謀

前車已覆後未知更何覺時

此上亦脫六字謀音廢更平聲○

後後車也更改也謂改轍也屬上小句何覺時

言說事之不如如此之明而猶不覺悟後豈復有

時也悟不覺悟不知苦迷惑失指易上下忠不上

達蒙掩耳目塞門戶不字非是下叶音戶門戶

塞大迷惑悖亂昏莫不終極是非反易比周欺

上惡正直○比必寐反惡去聲正是惡心無度邪

枉辟回失道途已無郵人我獨自美豈無故一是

有獨字非是○正直是惡則心無尺度不知長

不知戒後必有恨後遂過不肯悔譏失多進友

覆言語生詭態有疑當作悔恨人之態不如備

復有疑當作復

爭寵嫉賢利惡忌妬功毀賢下歛黨與上蔽賢

如富作知匿叶奴計反○言人之詐態上若不

知為備則有忌嫉殺匿之患也利惡忌謂以惡

忌賢者為已利也歛聚也上壅蔽失輔勢任用

下聚黨與則上蔽匿矣

諛夫不能制孰公長父之難厲王流于彘父音

去聲○山藏匿則賢人不得盡忠於上而自失

輔助之勢蓋其始以讒人為可任而後已失勢

遂不能制之也孰當作郭郭公長父周厲王之

臣未諱其事彘地名在河東厲王無道信任小

人專利監誘遂為國周幽厲所以敗不聽規諫

人所逐而流于彘

忠是害嗟我何人獨不遇時當亂世幽厲王也

皆暴虐無道尤甚欲衷對言不從恐為子胥身

後為大戎所殺

離凶進諫不聽到而獨鹿棄之江東對當作對

東乃與顛叶

楚辭卷一

而一作以鹿與羆同音鹿一說
上之欲反下力朱反江下音工
以誠然言不從而遇禍如子喬也
言也言子胥自到之後盛以小星
一說獨鹿屬羆也劍名吳王以賜
者云一說未知孰是然作獨鹿即
屬羆即而當作是以竊觀往事以
謂依本文者近是

右二章

亦可識託於成相以喻意

戒叶音計
識叶音志

請成相言治方君論有五約以明君謹守之下

皆平正國乃昌

明音芒○論為君之道有五
甚簡約明曰謂至下也

法明二也刑稱陳三也言
有節四也上通利五也

○臣下職莫游食務

本節用財無極事業聽上莫得相使一民力○

守其職足衣食厚薄有等明爵服利往印上莫

得擅與孰私得服叶蒲北反印宜亮反○謂食

事業皆聽於上羣下不得擅相役使則民力專

也又言氏下失職則衣食足明爵服謂貴賤有

等也利之所往者印於上莫得擅為賜與則

誰敢私得於人乎擅相賜與若齊田氏然

君法明論有常表儀既設民知方進退有律莫

得貴賤孰私王○君法儀禁不為莫不說教名

不移修之者榮離之者辱孰他師明叶音芒○

在言論有常不二三也進人退人皆以法律臣

下不得以意為貴賤則孰有能自相貴者乎又

言君者民之法儀當自禁止不為惡既正已

則民皆悅王之道刑稱陳守其銀下不得用輕

師言皆歸王道

卷之四

私門罪禍有律莫得輕重威不分○請收其用

有基主好論議必善謀五聽循領莫不理續主

執持○聽之經明其請參伍明謹施賞刑顯者

必得隱者復顯民又誠叶音尺證反與同門

叶音藥請當作情○稱謂當罪之法施陳則各

守其分限矣下不得專刑刑法則私門自輕矣

禍亦罪也誠言也又言請我治吉祥之事在明

其所所有之基業五聽見周禮循領謂修之使

網領莫不有文理相續也主自執持此道不使

往伍之皆使明謹施其賞刑言精研不○言有

言明若日有節叶音即○節謂法度使民言○

上通利隱遠至觀法不法見不視耳目既顯吏

敬法令莫敢恣上通利不壅蔽則幽隱遇遠者皆至也所觀之法非法則雖見

不視也此已上君君教出行有律吏謹將之無論有五之事也

鉅滑下不私請各以宜舍巧拙鉅與滑同音骨以下疑脫所字○五論既明則教令之出皆有法律

而吏謹持之無敢紛披汨亂者矣羣下孰敢私情不守所宜而以臣謹修君制變公察善思論

巧拙為強弱哉巧拙為強弱哉臣謹修君制變公察善思論

不亂以治天下後世法之成律貫言臣下但當

君制其變以出非常之斷公察而善思之則其

論不亂而天下後世皆得守之以成法律之條貫也或疑

右三章

僖詩第二

僖詩者荀卿子之所作也或曰荀卿既為
蘭陵令客有說春申君者曰湯以亳武王
以鎬皆有天下今荀子賢而君借以百里
之勢臣為君危之春申君乃謝荀子荀子
去之趙人又說春申君曰昔伊尹去夏入
殷殷王而夏亡管仲去魯入齊魯弱而齊
強賢者所在其君未嘗不尊榮也今荀子
天下賢士君何為謝之春申君又使人請
荀子荀子不還而遺之賦蓋即此僖詩也

然此其說又與前異未知其果孰是云

天下不治請陳侂詩治叶平聲侂與詭同○天

地易位四時易鄉列星隕墜旦暮晦盲幽闇登

昭日月下藏昭音叶音老或作照公正無私反見縱橫志

愛公利重樓䟽堂無私罪人慙革二兵道德純

備讒口將將仁人紂約敖暴擅強天下幽險恐

失世英螭龍為蟪蛄鵠為鳳皇比干見剗孔

子拘匡橫叶音黃慙與微同兵叶補芒反

音偃契音典鵠稱脂反者反見謂為從橫反覆起人也愛猶貪也竊取

公家之利以為已有而反得華屋以居也慙戒也華甲也二副也言無私心而治有罪之人乃

反恐為所離害而常為兵革以備之也將將聲也詩曰佩王將將蟪蛄見九歌蟪蛄蜩也

見惜昭昭乎其知之明也郁郁乎其遇時之不

祥也拂乎其欲禮義之大行也闇乎天下之晦

盲也明盲皆叶音芒行叶戶郎反○揚倞曰郁郁有文章貌拂違也此蓋誤耳當為拂乎

其遇時之不祥也郁郁乎其欲禮也皓天不復憂

義之大行也晦盲言人莫之識也皓天不復憂

無疆也千秋必及古之常也弟子勉學天不

忘也聖人共手時幾將矣皓與昊同秋一作歲共讀為拱○言若使昊天

之運往而不復則所憂無窮顧盛衰消息循環

代至承有千歲而不反者此固古今之常也

而世者哉況今之時衰亂已極雖有聖人亦拱手

時運之開其亦將不久矣與愚亦疑願聞反辭

此為弟子承勉學之訓而請問之詞愚為其自

辨也蓋曰聖人拱手則天下果已不可為矣而

曰時幾將矣則是與我以疑而使我不終不能曉

也故願聞其所以必反之說而使我不終不能曉

其小歌也此九章亦有小歌念彼遠方何其塞矣

仁人詘約暴人衍矣忠臣危殆讒人般矣音義

皆未詳或恐是蹇字也般音盤叶蒲典反一作

服九章服亦作般蓋通用也○衍饒裕也

般樂璇玉璫珠不知佩也雜布與錦不知異也

也問媛子奢莫之媒也嬖母刀父是之喜也璇音

叶音備媛子侯反媒叶音寐嬖音謨喜許既反

○璇赤王璫美玉布錦不異言精粗不同而不可

能辨也問媛子奢古之美女也或曰奢當作都

然則乃謂男子也媒母已見九章刀父未詳

以有為明以聾為聰以危為安以吉為凶嗚呼

上天易維其同

言長亂之極人懷私意乖異反

何為而可使之同乎同則合乎天下之公是非

善惡皆當於理而天下治矣此明天下意悔禍則

轉禍為福撥亂反正不足為難以解弟子之惑

也或曰雲漢之卒章曰瞻仰昊天曷惠其寧恐

此或用其語則維當作惠而文意

愈明白矣姑兩存之以俟參考

易水歌第三

易水歌者燕刺客荆軻之所作也燕太子

丹患秦攻伐諸侯無已時使荆軻奉督亢

之圖樊於期之首入秦刺秦王將發太子

及賓客知其事者皆白衣冠以送之至易

水之上既祖取道高漸離擊筑荆軻和而

歌為變徵之聲士皆垂淚涕泣又前而歌
復為羽聲忼慨士皆瞋目髮盡上指冠於
是荆軻就車而去夫軻匹夫之勇其事無
足言然於此可以見秦政之無道燕丹之
淺謀而天下之勢已至於此雖使聖賢復
生亦未知其何以安之也且余於此又特
以其詞之悲壯激烈非楚而楚有足觀者
於是錄之它固不遑深論云

風蕭蕭兮易水寒壯士一去兮不復還

越人歌第四

越人歌者楚王之弟鄂君泛舟於新波之
中。越人擁棹而歌此詞其義鄙褻不
足三。以其自越而楚不學而得其餘韻
且於周太師六詩之所謂興者亦有契焉
知聲詩之體古今共貫胡越一家有非人
之所能為者是以不得以其遠且賤而遺
之也

合夕何夕兮寒洲中流今日何日兮得與王子
同舟蒙羞被好兮不訾詬恥心幾頑而不絕兮
得知王子山有木兮木有枝心說君兮君不知

垓下帳中之歌第五

垓下帳中歌者西楚霸王項羽之所作也
漢王大會諸侯以伐楚羽壁垓下軍少食
盡漢帥諸侯圍之數重羽夜聞漢軍四面
皆楚歌乃驚曰漢皆已得楚乎是何楚人
多也起飲帳中有美人姓虞氏常幸從駿
馬名騅常騎蒼白雜毛曰騅羽迺悲歌忼慨自為
歌詩歌數曲美人和之羽泣下數行左右
皆泣莫能仰視於是羽遂上馬戲下騎從
者八百餘人夜直潰圍南出漢追及之羽

遂自劉羽固楚人而其詞忼慨激烈有千載不平之餘憤是以著之若其成敗得失則亦可以為強不義者之深戒云

力拔山兮氣蓋世時不利兮騅不逝兮可奈何虞兮虞兮奈若何

大風歌第六

大風歌者漢太祖高皇帝之所作也上破

黥布於會稽

上工外反下文瑞反

還過沛留置酒沛

宮悉召故人父老子弟佐酒發沛中兒得

百二十八教之歌酒酣上擊筑

筑音竹狀似琴而

大頭

細頸安弦以故名爲筑

自歌令兒皆歌習之上

乃起舞忼慨傷懷泣數行下謂沛父兄曰
游子悲故鄉吾雖都關中萬歲之後吾魂
魄猶思沛且朕自沛公以誅暴逆遂有天
下其以沛爲朕湯沐邑復其民世世無有
旤與此其歌正楚聲也亦名三侯之章文
中子曰大風安不忘危其伯心之存乎美
哉乎其言之也漢之所以有天下而不能
爲三代之王其以是夫然自千載以來人
主之詞亦未有名是其其壯麗而奇偉者也

鳴呼雄哉

大風起兮雲飛揚威加海內兮歸故鄉安得猛士兮守四方

鴻鵠歌第七

鴻鵠歌者漢高帝之所作也初呂后起閭閻佐帝定天下既老而踈太子盈又柔弱而戚夫人有寵於上上以其子趙王如意為類尸欲廢太子而立之呂后恐不知所為問計於留侯留侯為畫計使太子卑詞厚禮招隱士四人以為客後上置酒太子

侍四人者從年皆八十有餘須眉皓白衣冠甚偉上怪問之四人前對各言姓名上廼驚曰吾求公公避逃我何自從吾兒遊乎四人曰陛下輕士善罵臣等義不辱故恐而亡匿今聞太子仁孝恭敬愛士天下莫不延頸願為太子死者故臣等來上曰煩公幸卒調護太子四人為壽已畢趨出上目送之名戚夫人指視之曰我欲易之彼四人者輔之羽翼已成難動矣呂氏真廼主矣戚夫人泣涕上曰為我楚舞吾為

若楚歌數闋戚夫人歔歔流涕上起去
罷酒竟不易太子云余嘗怪留侯明炳幾
先筭無遺策而其為此則不唯不暇為高
祖愛子計亦不復為漢家社稷計矣抑高
祖之歌詞如此而其言曰呂氏真延主矣
此又豈專以太子柔弱之故而為是舉哉
一念之差基怨造禍以至於此固無兩全
之理矣留侯姑亦權其正且重者而存之
以為是甚不獲已之計非別有長策而故
左之以就此也嗚呼向使高祖之心本不

出於私愛則必能深以天下國家之大計
為己憂而蚤與張陳陵勃諸公謀之帷幄
以定其論可則以恒易盈固為兩得不可
則姑仍其舊而屬大臣輔以誼庶幾呂氏
悍戾之心亦無所激而將自平則後來之
禍猶可以不至於若是其烈今既不然則
杜牧所謂四老安劉反為滅劉者真可為
寒心也哉抑此詞卒章意象蕭索亦非復
三侯比矣

鴻鵠高飛一舉千里羽翼已就橫絕四海

海叶音喜

卷之十一

○絕謂飛而直度也橫絕四海又可奈何雖有增繳尚安

所施施叶疎何反○繳射也其矢日增

楚辭後語卷之一

楚辭後語卷之二

吊屈原第八

服賦第九

並見續離騷

瓠子之歌第十

瓠子歌者漢孝武帝之所作也帝既封禪
乃發卒數萬人塞瓠子決河還自臨祭沈
白馬玉璧令羣臣從官皆負薪實決河時
東郡燒薪柴少乃下淇園之竹以為槿燒旱
也樹竹塞水決口謂之槿以草塞天子悼
其裏乃以土填之有石以石為之其功之不就為作歌詩二章於是卒塞瓠

子築宮其上名曰宣防

史記防作房後同

而導河

北行二渠復禹舊迹自此梁楚之地復寧

無水災矣歸來子曰先是帝封禪巡祭山

川殫財極侈海內為之虛耗及為此歌乃

閔然有籲神憂民惻怛之意云

瓠子決兮將奈何浩浩洋兮慮殫為河

史記浩作皓慮

作問

註云

殫為河兮地不得寧功無已時兮吾

山平吾山平兮鉅野溢魚弗鬱兮柏冬日

註云吾山

疑謂東阿魚山也平者鑿山以填河故山平也

鉅野即禹貢之大野澤史記弗作佛弗鬱憂不

樂也柏與迫同水長涌溢穢濁不正道弛兮離

清也魚不樂又迫兮口將甚困也

常流蛟龍騁兮放遠遊史記正作延正道河歸

舊川兮神哉沛不封禪兮安知外沛音大

靈滂沛也又言不因封禪則不知開外有此水為我謂河伯兮何不仁

泛漚不止兮愁吾人漢書為我二字誓乘浮兮

淮泗滿久不反兮水維緩水維水之綱維也

右一

河湯湯兮激潏潏北渡回兮迅流難史記回作

蹇長笑兮湛義王河伯許兮新不屬蹇音交竹韋

絙以引置土石者也湛讀為沈義王即王璧也

屬之欲反沈王禮神神已見許但以新不屬遠
功也新不屬兮衛人罪燒蕭條兮噫乎何以御

水御與禦同止也東郡衛地言以旱燒而隳林

竹其反申也捷石舊者兮捷石舊宣防塞下其間之竹舊兮萬福來

申石立之以為捷也

右二

秋風辭第十一

秋風辭者漢武帝之所作也帝幸河東祠

后土讌飲中流歆甚作此文中子曰秋風

樂極而哀來其悔心之萌乎

秋風起兮白雲飛草木黃落兮鴈南歸蘭有秀

兮菊有芳懷佳人兮不能忘汎樓船兮濟汾河

橫中流兮揚素波簫鼓鳴兮發擢歌懽樂極兮
哀情多少壯幾時兮奈老何蘭秀菊芳以興下
句之詞與湘夫人
及越人歌同法知
此則知興之體矣

烏孫公主歌第十二

烏孫公主歌者漢武帝元封中以江都王
建女細君為公主妻烏孫王昆莫為右夫
人公主至其國自治宮室居歲時一再與
昆莫會置酒飲食昆莫年老言語不通公
主悲愁自為作歌如此昆莫乃上書請使
其孫尚公主詔許之公主不聽亦上書言

狀天子乃報使從其俗公主詞極悲哀固
可錄然并著其本末者亦以為中國結昏
夷狄自取羞辱之戒云

吾家嫁我兮天一方遠託異國兮烏孫王穹廬
為室兮旃為牆以肉為食兮酪為漿音嗣也居
常土思兮心內傷願為黃鵠兮歸故鄉

長門賦第十三

長門賦者司馬相如之所作也歸來子曰
此諷也非高唐洛神之比梁蕭統文選云
漢武帝陳皇后得幸頗妬別在長門宮聞

蜀郡司馬相如天下工為文奉黃金百斤
為相如文君取酒因求解悲愁之辭而相
如為文以悟主上皇后復得幸而漢書皇
后及相如傳無奉金求賦復幸事然此文
古妙最近楚辭或者相如以后得罪自為
文以諷非后求之不知叙者何從實此云
夫何一佳人兮步逍遙以自虞魂踰佚而不返
兮形枯槁而獨居言我朝往而暮來兮飲食樂
而忘人心焦移而不省故兮交得意而相親伊
予志之慢愚兮懷貞慤之歡心願賜問而自進

兮得尚君之玉音奉虛言而望誠兮期城南之
離宮脩薄具而自設兮君不肯兮幸臨廓獨潛
而專精兮天飄飄而疾風登蘭臺而遙望兮裊
恍恍而外濛濛浮雲鬱而四塞兮天窈窕而晝陰
雷隱隱而響起兮聲象君之車音飄風迴而赴
閨兮舉帷幄之襜襜挂樹交而相紛兮芳酷烈
之閭閻孔雀集而相存兮玄猿嘯而長吟翡翠
脅翼而來萃兮鸞鳳飛而北南心憑噫而不舒
兮邪氣壯而攻中下蘭臺而周覽兮步從容於
深宮正殿塊以造天兮鬱並起而窮崇間徙倚

於東廂兮觀夫靡靡而無窮
齊王戶以撼金鋪
兮聲嘈呖而似鐘音
刻木蘭以為櫟兮飾
文杏以為梁羅丰茸之
游樹兮離樓梧而相撐
施魂木之樽檀兮委參
差以櫟梁時髦鬚以物
類兮象積石之將將五
色炫以相耀兮煥爛燁
而成光致錯石之瓊甍
兮象璚瑁之文章張羅
綺之幔帷兮垂楚組之
連綱撫柱楣以從容兮
覽曲臺之央央白鶴數
以哀號兮孤雌時於枯
楊日黃昏而望絕兮悵
獨託於空堂懸明月以
自照兮徂清夜於洞房
援雅琴以變調兮奏愁
思之

不可長案流徵以却轉兮聲幼妙而復揚貫歷
覽其中操兮意慷慨而自邛左古悲而垂淚兮
涕流離而從橫舒息悒而增欬兮踰履起而彷徨
投長袂以自翳兮數昔日之訾殃無面目之
可顯兮遂頽思而就床搏芬若以為枕兮席荃
蘭而垂香忽寢寐而夢想兮魂若君之在傍惕
寐覺以無見兮魂茫茫若有仁衆鷄鳴而愁予
兮起視月之精光觀衆星之行列兮畢昴出於
東方望中庭之藹藹兮若季秋之降霜夜漫漫
其若歲兮懷鬱鬱其不可再更澹惓惓而待曙

兮荒亭亭而復明
妾人竊自悲傷兮
究年壽而不敢忘

哀二世賦第十四

哀二世賦者司馬相如之所作也相如嘗
從上至長楊獵還過宜春宮宜春者本秦
離宮閭樂殺胡亥之地也相如奏賦以哀
二世行失其詞如此蓋相如之文能侈而
不能約能諂而不能諒其上林子虛之作
既以誇麗而不得入於楚詞大人之於遠
遊其漁獵又泰甚然亦終歸於諛也特此

二篇為有諷諫之意而此篇所為作者正
當時之商監尤當傾意極言以寤主聽顧
乃低徊局促而不敢盡其詞焉亦是以知
其阿意取容之可賤也不然豈其將死而
猶以封禪為言哉

登陂隨之長阪兮至八曾宮之嵯峨臨曲江之
 隍州兮望南山之參差巖巖深山之豁豁兮通
 岑豁乎豁豁陂普何反隨徒何反至普頓步頓
 頓也與奇同差叶初歌反豁豁音龍澤通貌豁
 話反豁呼含反大關貌豁呼加反叶音河

隍州
岑谿
頤頤也
頤頤

乎登

永新 呼同 牙 南 山

之參
反普何
反叶初
反大

參差崑崙反臨
並也曾
歌反
開韻

嚴巖
 徒何
 重也
 然
 舒
 事之
 廉

何反
 加音
 與衍

之體
聖普
龍深
衆樹

石号
嶼步
及曲
通貌
晉河
樹之

通韻岸餘

變兮覽竹林之榛榛

旧于筆反減音域疾貌藪也

也蕭烏孔反變音愛陰蔽貌榛側

巾反盛貌叶韻未詳恐有棧音東馳土山兮

北揭石瀨弭節容與兮歷吊二世持身不謹兮

亡國失勢

揭立例反褰衣而涉也石而淺水曰瀨

信讒不寤兮宗

廟滅絕烏乎操行之不得墓蕪穢而不修兮魂

亡歸而不食

操七到反

自悼賦第十五

自悼賦者漢孝成班婕妤之所作也班氏

世世以儒學顯婕妤以選入宮貴幸嘗從

游後庭帝召欲與同輦載辭曰觀古圖畫

賢聖之君皆有名臣在側三代末主迺有

嬖女今欲同輦得無近似之乎上善其言

而止近反健仔誦詩及窈窕德象女師之

篇每進見上疏依則古禮詩謂關雎以下

師之篇皆古後趙飛燕姊弟自微賤興健

仔稀復進見飛燕遂譖健仔祝詛主上考

問健仔健仔對曰妾聞死生有命富貴在

天修正尚未蒙福為邪欲以何望使鬼神

有知不受不臣之想如其無知想之何益

故不為也上善其對事遂釋然健仔恐久

終見危求得共養人后長信宮

六月甲辰

因作賦以自悼歸來子以為其詞甚古而

侵尋於楚人非特婦人女子之能言者是

固然矣至其情雖出於幽怨而能引分以

自安援古以自慰和平中正終不過於慘

傷又其德性之義學問之力有過人者則

論者有不及也嗚呼賢哉柏舟綠衣見錄

於經其詞義之義殆不過此云

承祖考之遺德兮何性命之淑靈登薄軀於宮

闕兮充下陳於後庭蒙聖皇之渥惠兮當日月

之盛明揚光烈之翕赫兮奉隆寵於增成

賀在

也負也陳列也增成後

既過幸於非位兮竊庶

幾乎嘉時每寤寐而繁息兮申佩離以自思陳

女圖以鏡監兮顧女史而問詩悲晨雞之作戒

兮哀哀閭之為郵爰皇英之女虞兮榮任姒之

毋周錙憑陋其靡及兮敢舍心而忘茲

繁古累

言懼而憎累端息也離與襦同往衣之帶也女

子適人父結其襦而戒之故言自思也晨雞見

尚書曰北雞之晨惟家之索言婦人不當預外

事也褒褒姒周幽王之嬖妾也見天問閭中詩

所謂豔妻亦指褒姒也郵過也皇娥皇英女英

見九歌女尼據反女虞謂嫁於虞舜也任太任

文王母以大姒武王母也歷年歲而悼懼兮閔

郵周幽王時顓讀舍息也

蕃華之不滋痛賜祿與柘館兮仍襁褓而離災

豈妾人之殃咎兮將天命之不可求陽祿柘館

存嘗就產子數月失白日忽已移光兮遂晝莫

而昧幽猶被覆載之厚德兮不廢捐於罪郵奉

共養于東宮兮託長信之末流共洒掃於帷幄

兮永終死以為期願歸骨於山足兮依松栢之

餘休掩與暗同又烏感反莫讀作暮或曰靜也

灑掃先到反山足重曰潛玄宮兮幽以清應門

閉兮禁闥扃華殿塵兮玉階落中庭萎兮綠草

生廣室陰兮帷殿暗房櫳虛兮風冷冷感帷裳

兮發紅羅紛綵繒兮純素聲神眇眇兮密覲處

君不御兮誰為榮應門正門也肩短關也洛音

感動也綵千賄反俯視兮丹墀思君兮履綦音蔡衣聲靚與靜同

仰視兮雲屋雙涕兮橫流丹墀赤地也綦音其履下飾也雲屋言其

黠顧左右兮和顏酌羽觴兮銷憂惟流叶綦韻也

人生兮一世忽已過兮若浮已獨享兮高明處

生民兮極休勉虞精兮極樂與福祿兮無期祿

衣兮白華自古兮有之羽觴見招魂享受也休義也虞與娛同祿衣衾

莊姜失位自傷之詩白華周幽王申后被廢所作

及離騷第十六

又離騷者漢給事黃門郎新莽諸吏中散
大夫揚雄之所作也雄少好詞賦慕司馬
相如之作以為式又怪屈原文過相如至
不容作離騷自投江而死悲其文讀之未
嘗不流涕也以為君子得時則大行不得
則龍蛇遇不遇命也何必湛身哉湛讀
日沈延
作書往往撫離騷文而又之自岷山投諸
江流以吊屈原云始雄好學博覽恬於勢
利仕漢三世不徙官然王莽為安漢公時
雄作法言已稱其美比於伊尹周公及莽

莫漢竊帝號雄遂臣之以耆老久次轉為
大夫又放相如封禪文獻劇秦爰新以媚
莽意得校書天祿閣上會劉尋等以作符
命為莽所誅辭連及雄使者來欲收之雄
恐懼從閣上自投下幾死先是雄作解嘲
有爰清爰靜遊神之廷惟寂惟冥守德之
宅之語至是京師為之語曰爰清靜作符
命唯寂寞自投閣雄因病免既復召為大
夫竟死莽朝其出處大致本末如此豈其
所謂龍蛇者邪然則雄固為屈原之罪人

而此文乃離騷之諛賊矣他尚何說哉

有周氏之蟬鳩兮或鼻祖於汾陽靈宗初謀伯

僑兮流于末之揚侯蟬鳩連也鳩於連反鼻始也汾陽揚邑也雄自言系

出於周而食采於揚也謀請也周襄而湯氏有號為揚侯者侯叶音胡

豐烈兮超既離虜皇波因江潭而泄記兮欽吊

楚之湘纍善也去汾隅徙巫山得周楚之義烈也超速也離歷也皇大也經河及

江歷大波也潭深淵也泄音往乘水而往也記書也相曰比干見刺箕子累或曰禮喪容累累又史

記孔子累累然如喪家之狗趙武靈王見其長子深然也皆衰倅

之意未知孰是惟天執之不辟兮何純絜而

離紛紛累以其渙忍兮暗累以其續紛執路也

反開開也紛難也典吐典反混乃典漢十世之陽

朔号招搖紀于周正正皇天之清則号度后土

之方貞十世憲高祖后至成帝也招搖斗杓星也用正十一月也記以此時授文也

正天度地圖累承彼洪族号又覽累之昌辭

帶鈎矩而佩衡号履撓捨以為綦圖按其多圖

方也衡平也撓捨妖星累初貯厥麗服号何文

肆而質肆音穢狹也言其文詞放肆而性狃資姬娃之珍鬘号鬻九戎而索穎

也肆放也音穢狹也言其文詞放肆而性狃

狹也姬子侯反音穢狹也言其文詞放肆而性狃

鳳皇翔於蓬階号豈得鵠之能捷騁驊騮以

曲及也驢驢駿馬名若馳於屈曲難驪音加駕鵠鳥名也捷驪驪連蹇而齊足

阻之虞則與蹇驢無足叶音接及也驢驢駿馬名若馳於屈曲難

兮援狄擬而不敢下靈脩既信椒蘭之嗔佞兮

吾纍忽焉而不蚤睹榛音臻又士巾反梗纖貌見原以寄意於楚王也椒蘭

兮見騷經妄音妄諧言也紵芰茄之綠衣兮被

夫容之朱裳芳酷烈而莫聞兮不如褰而幽之

離房字其禁反帶也茄古荷字夫容亦古芙蓉離房字通用餘並見騷經

也別房閨中容競淖約兮相態以麗佳知衆嫫之

嫫也兮何必颺纍之蛾睂佳叶音圭言衆士爭嫫如兮何必颺纍之蛾睂

淖淖約善容止也態猶勝也言以麗佳相噪也睂淖約善容止也態猶勝也言以麗佳相噪也睂

經 懿神龍之淵潛兮 俟慶雲而將舉 亡春風之

被離兮 孰為知龍之所處懿義也 俟待也 龍以

屈原不能隱德自披 懿吾累之衆芬兮 颺燁燁之

芳苓 遭季夏之凝霜兮 慶夭賴而喪榮名音零

夏而遭霜言不遇時也 橫江湖以南 往兮云走

乎 彼蒼吾馳江潭之汎溢兮 將折衷乎重華音赤

奏超也 吾與梧同衷 舒中情之煩 或兮恐重華

之不累 與陵陽侯之素波兮 豈吾累之獨見許

陽侯見九章言原欲自投江以陵素波 辭必

不許之也 洪興祖曰 吾恐重華許原之沈江以 精瓊靡與秋菊兮 將以延

夫天年臨汨羅而自隕兮恐日薄於西山此又

欲餐玉以延年也反懷沙以求死蓋雄知生解

扶桑之總轡兮縱令之遂奔馳鸞皇騰而不屬

兮豈獨飛廉與雲師此言其去之速也卷薜芷

與若惠兮臨湘淵而投之湄申椒與菌桂兮赴

江湖而漚之若杜若惠即蕙也此言原之赴水

本東也古本反漚今漚麻也費椒糝以要神兮

又勤索彼瓊茅違靈氛而不從兮及湛身於江

皐音義並累既壯夫傳說兮奚不信而遂行徒

恐鸚鵡之將鳴兮顧先百草為不芳此古詩字

說何不自信其言而遽去徒以鳴鵲之將時為

憂而不慮反先百草以就死也餘言義亦見騷

經然傳說乃巫咸之初纍棄彼處妃兮更思瑤

臺之逸女抨雄鵲以作媒兮何百離而曾不壹

耦也普耕反使乘雲蜺之旖旎兮望昆侖以穆

流覽四荒而顧懷兮奚必云女彼高丘亦見騷

立無女本言高丘無美女可求以喻列國無賢

君可事耳此詞女字又作去聲讀忠亦未本文

之意既亡鸞車之幽藹兮焉駕八龍之委蛇臨

江瀕而掩涕兮何有九招與九歌此言原實無

可駕又方就死淵淵何有歌夫聖哲之不遭兮

固時命之所有雖增歎以於邑兮吾恐靈脩之

不纍改

有叶音以改叶音已言楚三必不為局

欲也及不通其夫豈予所欲哉聖賢之心如此原

忍逆料其君之不可諫而先有已武此義理

明而行之熟耳以此譏原昔仲尼之去魯兮斐

斐遲遲而周邁終回復於舊都兮何必湘淵與

濤瀨也但政亂耳未有危亡之釁也可去而去魯

全不相似淮說誤矣溷漁父之舖歎兮絜沐浴

之振衣棄由聃之所珍兮蹠彭咸之所遺事音

義見本篇由許由聃老聃蹠也之亦反許由

事不經見雄亦本不之信今乃言之已為抵牾

而又不察其生當堯舜之間身無讒賊之禍與

原事亦不相似也老聃之學私於為我而無君

臣之義亦雄所知至此不以為言亦其貪生惜死之心勝是以溺焉而不自知耳

丹陽洪興祖曰揚雄所以議屈原者如此而班固亦譏其露才揚己顏之推又病其類是君過愚嘗折衷而論之曰或問古人有言殺其身有益於君則為之屈原雖死何益於懷襄曰忠臣之用心自盡其愛君之誠耳死生毀譽所不顧也故比干以諫見戮屈原以放自沈比干紂諸父也屈原楚同姓也為人臣者三諫不從則去之同姓無可去之義有死而已離騷曰阼余身而危死兮覽余初其猶

未悔則原之自處審矣或又曰竄武子邦無
道則愚而仲山甫明哲以保其身今原乃用
知於無道之邦以虧明哲保身之義亦何足
為賢乎曰愚如武子全身遠害可也有官守
言責斯用智矣山甫明哲固保身之道然不
曰夙夜匪懈以事一人乎士見危致命況同
姓無恩與義而可以不死乎且比干之死微
子之去皆是也屈原其不可去乎有比干以
任責微子去之可也楚無人焉原去則國從
而亡故雖身被放逐猶徘徊而不忍去生不

國朝文獻卷二
十一
得力爭而強諫死猶冀其感發以改行使百
世之下聞其風者雖流放廢斥猶知愛其君
眷眷而不忘臣子之義盡矣非死為難處死
為難屈原雖死猶不死也後之讀其文知其
人如賈生者亦鮮矣然為賦以吊之不過哀
其不遇而已余觀自古忠臣義士慨然發憤
不顧其死特立獨行自信而不回者其英烈
之氣豈與身俱亡哉仍羽人於丹丘留不死
之舊鄉超無為以至清與太初而為鄰此遠
遊之所以作而難為淺見寡聞者道也仲尼

曰樂天知命故不憂又曰樂天知命有憂之
大者屈原之憂憂國也其樂樂天也離騷二
十五篇多憂世之語獨遠遊曰道可受兮不
可傳其小無內兮其大無垠無滑而魂兮彼
將自然壹氣孔神兮於中夜存虛以待之兮
無為之先此老莊孟子所以大過人者以原
獨知之司馬相如作大人賦宏放高妙讀者
有凌雲之意然其語多出於此至其妙處相
如莫能識也太史公作傳以為其文約其辭
微其志絜其行廉其稱文小而其指極大舉

類邇而見義遠其志絜故其稱物芳其行廉
故死而不容自踈濯淖污泥之中以浮游塵
埃之外推此志也雖與日月爭光可也斯可
謂深知已者揚子雲作反離騷以為君子得
時則大行不得時則龍蛇遇不遇命也何必
沈身哉屈子之事蓋聖賢之變者使遇孔子
當與三仁同稱雄未足以與此班孟堅顏之
推所云無異妾婦兒童之見余故具論之

嗚呼余觀洪氏之論其所以發屈原之心
者至矣然屈原之心其為忠清絜白固無

待於辯論而自顯若其為行之不能無過則亦非區區辯說所能全也故君子之於人也取其大節之純全而略其細行之不能無弊則雖三人同行猶必有可師者况如屈子乃千載而一人哉孔子曰人之過也各於其黨觀過斯知仁矣此觀人之法也夫屈原之忠忠而過者也屈原之過過於忠者也故論原者論其大節則其他可以一切置之而不問論其細行而必其合乎聖賢之桀度則吾固已言其不能皆合

於中庸矣尚何說哉且凡洪氏所以為辨
者三其一以為忠臣之行發其心之所不
得已者而不暇顧世俗之毀譽則幾矣其
一引仲山甫甯武子事而不論其所遭之
時所處之位有不同者則踈矣其一欲以
原比於三仁則夫父師小師者皆以諫而
見殺見囚耳非故捐生以赴死如原之所
為也蓋原之所為雖過而其忠終非世間
偷生幸死者所可及洪之所言雖有未至
而其正終非雄固之推之徒所可比余是

以取而附之反騷之篇

楚辭後語卷之二

Table with 10 columns and 10 rows of text.

楚辭後語卷之三

絕命詞第十七

絕命詞者漢息夫躬之所作也躬以變告
東平王雲祠祭祝詛事拜官封侯而雲坐
誅死後又數上䟽論事語皆險譎竟以罪
繫詔獄仰天大呼絕咽而死躬以利口作
姦死不償責而此詞乃以發忠忘身號于
上帝甚矣其欺天也特以其詞高古似賈
誼故錄之而備其本末如此又以見文人
無行之不足貴云

玄雲決鬱將安歸兮鷹隼橫厲鸞徘徊兮決鳥即反

○決鬱盛貌厲疾飛也鸞神鳥也徘徊不得其所也矐矐浮焮動則機兮

叢棘棧棧曷可棲兮焮必遭反棧仕申反○矐謂

觸其機才也棧衆盛貌發忠亡身自繞國兮冤頸折翼庸

得往兮罔與綱同○冤屈也庸猶瀟泣流兮萑

蘭心結惛兮傷肝差音桓惛青骨○萑蘭虹蜺

曜兮日微孽杳冥兮未開開昨青鼻○孽虹痛

八天兮嗚嘯冤際絕兮誰語嗚火故反語生仰

天高兮自列招上帝兮我察招呼秋風為我吟

浮雲為我陰吟字古嗟若是兮欲何留撫神龍兮

搢其須

留叶音間或云如

游曠迫兮及亡期雄

失據兮世我思

自言英雄失據後當為世所思也

思玄賦第十八

晁氏曰

思玄賦

考漢

侍中

張衡之

所作也

順帝引

在幃幄

諷諭

左右嘗問

衡天下所

疾惡者

宦官懼

其毀已

嘗共目之

衡乃詭

對而出猶

共危衡衡常思圖身之事以為

吉凶隱伏

幽微難明

乃作

思玄賦以宣

寄情志云

思玄賦以宣寄情志云

仰先哲之玄訓兮雖彌高其弗違匪仁里其焉

宅兮匪義迹其焉追潜朕膺以永覲兮綿日月

而不衰伊中情之信脩兮慕古人之貞節竦余

身而順止兮遵繩墨而不跌志團團以應懸兮

誠心固其如結旌性行以制佩兮佩夜光與瓊
枝縞幽蘭之秋華兮又綴之以江離義襲積以
酷烈兮允塵邈而難虧既姱麗而鮮雙兮非是
時之攸珍奮余榮而莫見兮播余香而莫聞幽
獨守此反陋兮敢怠皇而含勤幸二八之選虞
兮喜傳說之生殷尚前良之遺風兮恫後辰而
無及何孤行之茕茕兮予不羣而介立感鸞鷖
之特棲兮悲淑人之稀合彼無合其何傷兮患
衆偽之冒真旦獲譴于羣弟兮啓金滕而乃信
覽烝民之多僻兮畏立辟以危身曾煩毒以迷

或兮羌孰可與言已私湛憂而深懷兮思續紛
而不理願竭力以守義兮雖貧窮而不改執雕
虎而試象兮跼焦原而跟止庶斯奉以周旋兮
要既死而後已俗遷渝而事化兮泯規矩之圓
方珍蕭艾於重笥兮謂蕙芷之不香斥西施而
弗御兮羈要褻以服箱行陂陴而獲志兮循法
度而離殃惟天地之無窮兮何遭遇之無常不
抑操而苟容兮譬臨河而無航欲巧笑以干媚
兮非余心之所嘗襲溫恭之黻衣兮披禮義之
繡裳辯貞亮以為繁兮雜技藝以為珎昭綵藻

與雕琢兮璜聲遠而彌長淹棲遲以悠欲兮耀
靈忽其西歲特已知而華予兮鷄鵠鳴而不芳
冀一年之三秀兮道白露之為霜時疊疊而代
序兮疇可與其比伉咨妒嫫之難並兮相依韓
以流亡愁漸冉而無成兮留則蔽而不章心猶
與而孤疑兮即歧阯而攄情文君為我端蓍兮
利飛遁以保名歷衆山以周流兮翼迅風以揚
聲二女感於崇岳兮或氷折而不營天蓋高而
為澤兮誰云路之不平勗自強而不息兮蹈玉
階之嶢崢懼筮氏之長短兮鑷東龜以觀禎遇

九臯之介鳥兮怨素意之不逞遊塵外而瞥天
兮據冥翳而哀鳴鵬鶚競於貪婪兮我脩絜以
益榮子有故於玄鳥兮歸毋氏而後寧占既吉
而無悔兮簡元辰而俶裝旦余沐於清原兮晞
余髮於朝陽漱飛泉之瀝液兮咀石菌之流英
翔鳥舉而魚躍兮將徃走乎八荒過少皞之窮
野兮問三丘乎勾芒何道真之淳粹兮去穢累
而崇輕登蓬萊而容與兮鼇雖抃而不傾留瀛
州而採芝兮聊且樂乎長生憑歸雲而遐逝兮
夕余宿乎扶桑喻青岑之玉醴兮餐沆瀣以為

糗糗昔夢於木禾兮穀崑崙之高岡朝吾行於
賜谷兮從伯禹於稽山集羣神之執王兮疾防
風之食言指長沙以邪徑兮存重華乎南隣哀
二妃之未從兮翩嬪處彼湘瀕流目頻夫衡阿
兮睹有黎之圯墳痛火正之無懷兮託山陂以
孤魂愁蔚蔚以慕遠兮越邛州而愉教躋日中
于昆吾兮憇炎天之所陶揚芒熈而絳天兮水
泫泫而涌濤溫風翕其增熱兮怒鬱邑其難聊
顓羈旅而無友兮余安能乎留茲顧金天而歎
息兮吾欲往乎西嬉前祝融使舉麾兮繩朱鳥

以承旗纛建木於廣都兮拓若華而躊躇超軒
轅於西海兮跨汪氏之龍魚聞此國之千歲兮
曹焉足以娛余思九山之殊風兮從薜收而遂
徂歟神化而蟬蛻兮朋精粹而為徒蹶白門而
東馳兮云台行乎中野亂弱水之潺湲兮逗華
陰之遄渚彌馮夷俾清津兮擢龍舟以濟予會
帝軒之未歸兮悵相伴而延佇四河林之蓁蓁
兮偉關雎之戒女黃靈詹而訪命兮摻天道其
焉如曰近信而遠疑兮六籍闕而不書神遠昧
其難覆兮疇克謨而從諸牛哀病而成虎兮雖

逢昆其必噬鼈令殪而尸亡兮取蜀禪而引世
死生錯而不齊兮雖司命其不晰實號行於代
路兮後膺祚而繁庶王肆侈於漢廷兮率銜恤
而絕緒尉廔眉而郎潛兮逮三葉而邁武董弱
冠以司袞兮設王隧而弗虞夫吉凶之相仍兮
恒反側而靡所穆屈天以悅牛兮豎亂叔而幽
主文斷袪而忌伯兮閹謁賊而寧后通人聞於
好惡兮豈愛惑之能剖羸瘝議而戒胡兮備諸
外而裁內或輦賄而違車兮孕行產而為對慎
竈顯於言天兮占水火而妄評梁叟患夫黎丘

兮丁厥子而剝刃親所睇而弗識兮矧幽冥之
可信毋綿寧以滓已兮思百憂以自疚彼天監
之孔明兮用斐枕而佑仁湯蠲體以禱祈兮蒙
庖褫以拯人景三慮以營國兮熒惑次於他辰
魏顓亮以從理兮鬼亢回以敝秦咎繇邁而種
德兮樹德茂乎英六桑末寄夫根生兮卉既彫
而已毓有無言而不讎兮又何往而不復盍遠
迹以飛聲兮孰謂時之可蓄仰矯首以遙望兮
魂慨惘而無儔徧區中之隘陋兮將北度而宣
遊行積冰之磴磴兮清泉汨而不流寒風淒而

永至兮拂穹岫之騷騷玄武縮於殼中兮騰蛇
蜿而自糾魚矜鱗而并凌兮鳥登木而失條坐
太陰之屏室兮慨含歎而增愁怨高陽之相寓
兮徇顓頊而宅幽庸織路於四裔兮斯與彼其
何療望寒門之絕垠兮縱余縲乎不周迅飈瀟
其騰我兮驚翩飄而不禁越谿壑之洞穴兮標
通淵之琳琳經重陰乎寂寞兮愍墳羊之潛深
追恍忽於地底兮軼無形而上浮出石密之閭
野兮不識蹊之所由速燭龍令執炬兮過鍾山
而中休瞰瑤谿之赤岸兮吊祖江之見劉聘王

毋於銀臺兮看王芝以療飢戴勝愁其既歡兮
又謂余之行遲載太華之玉女兮名洛浦之宓
妃咸姣麗以盡媚兮增嫵眼而娥眉舒妙婧之
纖腰兮揚雜錯之袿徽離朱脣而微笑兮顏的
演以遺光獻環珉與璵璠兮申厥好以玄黃雖
色豔而賂美兮志浩蕩而不嘉雙材悲於不納
兮並詠詩而清歌歌曰天地煙煴百卉含葩鳴
鶴交頸鵲鳩相和慶子懷春精魂回移如何淑
明忘我實多將答賦而不暇兮爰整駕而亟行
瞻崑崙之巍巍兮臨滎河之洋洋伏靈龜以負

坻兮亘螭龍之飛梁登閭風之曾城兮構不死
而為牀屑瑤縈以為鞞兮斟白水以為漿抨巫
咸以占夢兮迺貞吉之元符滋令德於正中兮
含嘉秀以為敷既垂穎而顧本兮亦要思乎故
居安和靜而隨時兮姑純懿之所廬戒庶寮以
夙會兮僉恭職而並迓豐隆軒其震霆兮列缺
燁其照夜雲師黶以交集兮凍雨沛其灑塗轍
琯輿而樹葩兮擾應龍以服輅百神森其備從
兮屯騎羅而星布振余袂而就車兮脩劍揭以
低昂冠兮罟其映蓋兮佩絺纒以煒煌僕夫儼

其正策兮八乘攄而超驤氛旄溶以天旋兮蜺
旌飄而飛揚撫軫軹而還睨兮心灼樂其如湯
羨上都之赫戲兮何迷故而不忘左青瑯以捷
芝兮右素威以司鉦前長離使拂羽兮委水衡
乎玄冥屬箕伯以函風兮激渙浥而為清曳雲
旗之離離兮鳴玉鸞之嚶嚶涉清霄而升遐兮
浮蔑蒙而上征紛翼翼以徐戾兮焱回回其揚
靈叫帝閭使闢扉兮覲天皇于瓊宮聆廣樂之
九奏兮展洩洩以彤彤考理亂於律鈞兮意建
始而思終惟盤逸之無斁兮懼樂往而哀來素

撫弦而餘音兮大容吟曰念哉既防溢而靜志
兮迨我暇以翱翔出紫宮之肅肅兮集大微之
閶闔命王良掌策駟兮踰高閣之錯錯建罔車
之幕幕兮獵青林之芒芒彎威弧之撥刺兮射
嶠冢之封狼觀壁壘於北落兮伐河鼓之磅礴
乘天潢之汎汎兮浮雲漢之湯湯倚招搖攝提
以低回剡流兮察二紀五緯之綢繆遙皇偃蹇
夭矯嫵以連卷兮雜沓叢穎颯以方驤穢汨颺
戾沛以罔象兮爛熳麗靡顏以迭過凌驚雷之
沆瀣兮弄狂電之淙裔喻庖湏於宕冥兮貫倒

景而高厲廓盪盪其無涯兮乃今窺乎天外據
開陽而頻盼兮臨舊鄉之暗謁悲離居之勞心
兮情悄悄而思歸魂眷眷而屢顧兮馬倚轡而
徘徊雖遨遊以愉樂兮豈愁慕之可懷出閭闔
兮降天塗乘飈忽兮馳虛無雲霏霏兮繞余輪
風眇眇兮震余旗繽聯翩兮紛暗曖倏眩眩兮
反常閭收疇昔之逸豫兮卷滛放之遐心脩初
服之娑娑兮長余珮之參參文章煥以粲爛兮
義紛紜以從風御六藝之珍駕兮遊道德之平
林結典籍而為罟兮歐儒墨而為禽玩陰陽之

變化兮詠雅頌之徽音嘉魯氏之歸耕兮慕歷
陵之欽崦共夙昔而不貳兮固終始之所服也
夕惕若厲以省儆兮懼余身之未救也苟中情
之端直兮莫吾知而不忍墨無為以凝志兮與
仁義乎消搖不出戶而知天下兮何必歷遠以
劬勞系曰天長地久歲不留俟河之清祇懷憂
願得遠度以自娛上下無常窮六區超踰騰躍
絕世俗飄飄神舉逞所欲天不可階仙夫希和
舟悄悄客不飛松喬高跼孰能離結精遠遊使
心攜回志竭來從玄謀獲我所求夫何思

悲憤詩第十九

晁氏曰悲憤詩者漢中郎蔡邕女琰之所
作也琰嫁為衛仲道妻遭亂為胡野所獲
沒於南匈奴左賢王者十二年為生二子
曹操素善邕痛其無後以金璧重賈之
而重歸於董祀琰有傷失節
而不能忘其二子為作此辭

嗟薄祐兮遭世患宗族殄兮門戶單身執略兮
入西關歷險阻兮之羌蠻山谷眇兮路曼曼眷
東顧兮但悲歎冥當寢兮不能安飢當食兮不
能餐常流涕兮皆不乾簿志節兮念死難雖苟
活兮無形顏惟彼方兮遠陽精陰氣凝兮雪夏
零沙漠壅兮塵冥冥有草木兮春不榮人似禽

兮食臭腥言憺離兮狀竊停歲聿暮兮時邁征
夜悠長兮禁門扃不能寐兮起屏營登朝殿兮
臨廣庭玄雲合兮翳月星北風厲兮肅泠泠胡
笳動兮邊馬鳴孤鴈歸兮聲嚶嚶樂人興兮彈
琴箏音相和兮悲且清心吐思兮匈憤盈欲舒
氣兮恐彼驚含哀咽兮涕沾頸家既迎兮當歸
寧臨長路兮捐所生兒呼母兮號失聲我掩耳
兮不忍聽勑持我兮走荒荒頻復起兮毀頽形
還顧之兮破入情心恒絕兮死復生

胡笳者蔡琰之所作也東漢文士有意於
騷者多矣不錄而獨取此者以為雖不規
規於楚語而其哀怨發中不能自己之言
要為賢於不病而呻吟者也范史乃棄不
錄而獨載其悲憤二詩二詩詞意淺促非
此詞比眉山蘇公已辯其妄矣蔚宗文下
固有不謗歸來子祖屈而宗蘇亦未聞此
何邪琰失身胡虜不能死義固無可言然
猶能知其可恥則與揚雄反騷之意又有
間矣今錄此詞非恕琰也亦以甚雄之惡

云爾

我生之初尚無為我生之後漢祚衰天不仁兮
降亂離地不仁兮使我逢此時干戈日尋兮道
路危民卒流亡兮共哀悲煙塵蔽野兮胡虜盛
志意乖兮義節虧對殊俗兮非我宜遭惡辱兮
當告誰銘一會兮琴一拍心憤怨兮無人知
戎羯逼我兮為室家將我行兮向天涯雲山萬
重兮歸路遐疾風千里兮風揚沙人多暴猛兮
如虺蛇控弦被甲兮為矯奢兩拍張絃兮絃欲
絕志摧心折兮自悲嗟

越漢國兮入胡城亡家失身兮不如無生
為裳兮骨肉震驚羯羶為味兮枉過我情
鞞鼓喧兮從夜達明胡風浩浩兮暗塞營
傷兮感昔兮三拍成衛悲畜恨兮何時平
無日無夜兮不思我鄉土稟氣含生兮莫過我
最苦天災國亂兮人無主唯我薄命兮沒戎虜
殊俗心異兮身難處嗜慾不同兮誰可與語
思涉歷兮多艱阻四拍成兮益悽楚
鴈南征兮欲寄邊聲鴈北歸兮為得漢音
鴈飛高兮邈難尋空斷腸兮思情情攢眉向月兮撫

雅琴五拍泠泠兮意彌深

冰霜凜凜兮身苦寒飢對肉酪兮不能食夜聞

隴水兮聲嗚咽朝見長城兮路杳漫追思往日

兮行李難六拍悲來兮欲罷彈

日暮風悲兮邊聲四起不知愁心兮說向誰是

原野蕭條兮烽戍萬里俗賤老弱兮少壯為妾

逐有水草兮安家葺壘牛羊滿野兮聚如蜂蟻

草盡水竭兮羊馬皆徙七拍流恨兮惡居於此

為天有眼兮何不見我獨漂流為神有靈兮何

事處我天南海北頭我不負天兮天何配我殊

匹我不負神兮神何殛我越荒州製茲八拍兮
擬俳優何知曲成兮心轉愁

天無涯兮地無邊我心愁兮不復然人生倏忽
兮如白駒之過隙然不得歡樂兮當我之盛年
怨兮欲問天入蒼蒼兮上無緣舉頭仰望兮空
雲煙九拍懷情兮誰與傳

城南烽火不角滅疆場征戰何時歇殺氣朝朝
衝塞門胡風夜夜吹邊月故鄉隔兮音塵絕哭
無聲兮氣將咽一生辛苦兮緣別離十拍悲深
兮淚成血

我非貪生而惡死不能捐身兮心有以生仍冀
得兮歸桑梓死當埋骨兮長已矣日居月諸兮
在我壘胡人寵我兮有二子鞠之育之兮不羞
恥閔之念之兮生長邊鄙十有一拍兮因茲起
哀響纏綿兮徹心髓

東風應律兮暖氣多知是漢家天子兮布陽和
羌胡蹈舞兮共謳歌兩國交懽兮罷兵戈忽遇
漢使兮稱近詔遣千金兮贖妾身喜得生還兮
逢聖君嗟別離子兮曾無因十有二拍兮哀樂
均去住兩情兮誰具陳

不謂殘生兮却得旋歸撫抱胡兒兮泣下沾衣
漢使迎我兮四牡駢駢號失聲兮誰得知與我
生死兮逢此時愁為子兮日無光輝焉得羽翼
兮將汝歸一步一遠兮足難移魂消影絕兮恩
愛遺十有三拍兮絃急調悲肝腸攪刺兮人莫
我知

身歸國兮兒莫知隨心懸懸兮長如飢四時萬
物兮有盛衰唯我愁苦兮不暫移山高地闊兮
見汝無期更深夜闌兮夢汝來斯夢中執手兮
一喜一悲覺後痛吾心兮無休歇時十有四拍

兮涕淚交垂河水東流兮心是思

十五拍兮節調促氣填曾兮誰識曲處穹廬兮

偶殊俗願得歸來兮天從欲再還漢國兮歡心

足心有懷兮愁轉深日月無私兮曾不照臨兮

毋分離兮意難任同天隔越兮如商參生死不

相知兮何處尋

十六拍兮思茫茫我與兒兮各一方日東月西

兮徒相望不得相隨兮空斷腸對萱草兮憂不

忘彈鳴琴兮情何傷今別子兮歸故鄉舊怨平

兮新怨長泣血仰頭兮訴蒼蒼胡為生我兮獨

羅此殃

十七拍弓心鼻酸關山阻脩弓行路難去時懷
土弓心無緒來時別兒弓思漫漫塞上黃蒿弓
枝枯葉乾沙塲白骨弓刀痕箭瘢風霜凜凜弓
春夏寒人馬飢飧弓筋力單豈知重得弓入長
安歎息欲絕弓淚闌干

胡笳本自出胡中緣琴翻出音律同十八拍弓
曲雖終響有餘弓思無窮是知絲竹微妙弓均
造化之功哀樂各隨人心弓有變則通胡與漢
弓異域殊風天與地隔弓子西母東苦我怨氣

兮浩於長空六合雖廣兮受之應不容

楚辭後語卷之三

楚辭後語卷之四

登樓賦第二十一

登樓賦者魏侍中王粲之所作也歸來子曰
粲詩有古風登樓之作去楚詞遠又不
及漢然猶過曹植潘岳陸機愁詠閑居懷
舊衆作蓋魏之賦極此矣

登茲樓以四望兮聊假日以銷憂覽斯宇之所
處兮實顯敞而寡仇挾清漳之通浦兮倚曲沮
之長洲背墳衍之廣陸兮臨臯隰之沃流北彌
陶牧西接昭丘華實蔽野黍稷盈疇雖信美而

非吾土兮曾何足以少留遭紛濁而遷逝兮漫
踰紀以迄今情眷眷而懷歸兮孰憂思之可任
馮軒檻以遙望兮向北風而開襟平原遠而極
目兮蔽荆山之高岑路逶迤以脩迥兮川既深
而濟深悲舊鄉之擁隔兮涕橫墜而弗禁昔尼
父之在陳兮有歸歟之歎音鍾儀幽而楚奏兮
莊舄顯而越吟人情同於懷土兮豈窮達而異
心惟日月之逾邁兮俟河清乎其未極冀王道
之一平兮假高衢而騁力懼匏瓜之徒懸兮畏
井渫之莫食步棲遲以徙倚兮白日忽其將匿

風蕭瑟而並興兮天慘慘其無色獸狂顧以求
羣兮鳥相鳴而舉翼原野聞其無人兮征夫行
而未息心悽愴以感發兮意忉怛而憫惻循階
除而下降兮氣交憤於胷臆夜參半而不寐兮
悵盤桓以反側

歸去來辭第二十二

歸去來辭者晉處士陶潛淵明之所作也
潛有高志遠識不能俯仰時俗嘗為彭澤
令督郵行縣且至吏白當束帶見之潛歎
曰吾安能為五斗米折腰向鄉里小兒耶

即日解印綬去作此詞以見志後以劉裕
將移晉祚恥事二姓遂不復仕宋文帝時
特徵不至卒謚靖節徵士歐陽公言兩晉
無文章幸獨有此篇耳然其詞義夷曠蕭
散雖託楚聲而無其尤怨切感之病云

歸去來兮田園將蕪胡不歸既自以心為形役
奚惆悵而獨悲悟已往之不諫知來者之可追
實迷塗其未遠覺今是而昨非舟遙遙以輕颺
風飄飄而吹衣問征夫以前路恨晨光之熹微
乃瞻衡宇載欣載奔童僕歡迎稚子徃門三徑

就荒松菊猶存携幼入室有酒盈樽引壺觴以
自酌眄庭柯以怡顏倚南窓以寄傲審容膝之
易安園日涉以成趣門雖設而常關策扶老以
流憩時矯首而遐觀雲無心以出岫鳥倦飛而
知還景翳翳以將入撫孤松而盤桓歸去來兮
請息交以絕游世與我而相遺復駕言兮焉求
悅親戚之情話樂琴書以消憂農人告余以春
及將有事乎西疇或命巾車或棹孤舟既窈窕
以尋壑亦竒崛而經丘木欣欣以向榮泉涓涓
而始流善萬物之得時感吾生之行休已矣樂

寓形宇內復幾時。曷不委心任去留。胡為乎遑遑欲何之。富貴非吾願。帝鄉不可期。懷良辰以孤往。或植杖而耘耔。登東臯以舒嘯。臨清流而賦詩。聊乘化以歸盡。樂夫天命復奚疑。

鳴臯歌第二十三

鳴臯歌者唐翰林供奉李白之所作也。白天才絕出。尤長於詩。而賦不能及。魏晉獨此篇近楚辭。然歸來子猶以為白才自逸。蕩故或離而去之者。亦為知言云。

若有人兮思鳴臯

積雪兮心煩勞。洪河凌兢

不可以徑度冰龍鱗兮難容舳舳仙山之峻極
兮聞天籟之嘈嘈霜崖縞皓以合沓兮若長風
扇海湧滄溟之波濤玄猿綠羆舔舐為危咆柯
振石駭膽慄魄羣呼而相號峯崢嶸以路絕挂
星辰於巖敷送君之歸兮動鳴皋之新作交鼓
吹兮彈絲觴清泠之池閣君不行兮何待若返
顧之黃鶴掃梁園之羣英振大雅於東洛巾征
軒兮歷阻折尋幽居兮越巘嶢盤白石兮坐素
月琴松風兮寂萬壑望不見兮心氤氲蘿冥冥
兮霰紛紛水橫洞以下淥波小聲而上聞虎嘯

谷而生風龍藏谿而吐雲寡鶴清唳飢鼃頤呻
塊獨處此幽默兮愀空山而愁人雞聚族以爭
食鳳孤飛而無鄰嘒蜚嘲龍魚目混珍嫫母衣
錦西施負薪若使巢由桎梏於軒冕兮亦奚異
乎夔龍蹇躓於風塵哭何苦而救楚笑何誇而
却秦吾誠不能學二子沽名矯節以耀世兮固
將棄天地而遺身白鷗兮飛來長與君兮相親
引極第二十四

引極者唐容管經略使元結之所作也歸
來子曰結性耿介有憂道閔俗之意天寶

之亂或仕或隱自謂與世齟齬故其見於
文字者亦沖澹而隱約譬古鍾磬不諧於
里耳而詞義幽眇玩之脩然若有塵外之
趣云

天曠濔兮杳泱茫氣浩浩兮色蒼蒼上何有兮
人不測積清寥兮成元極彼元極兮靈且異思
一見兮藐難致思不從兮空有傷心慙勞兮意
惶懷思假翼兮驚皇乘長風兮上翔揖元極兮
本深實餐至和兮永終明

山中入第二十五

山中人者唐尚書右丞王維之所作也維
以詩名開元間遭祿山亂陷賊中不能死
事平復幸不誅其人既不足言詞雖清雅
亦萎弱少氣骨獨此篇與望終南迎送神
為勝云

山寂寂兮無人又蒼蒼兮多木羣龍兮滿朝君
何為兮空谷文寡和兮思深道難知兮行獨悅
石上兮流泉與松間兮草屋入雲中兮養鷄上
山頭兮抱犢神與猿兮如瓜虎賣杏兮收穀媿
不才兮妨賢嫌既老兮貪祿誓解印兮相從何

詹尹兮可卜

山中兮欲歸雲冥冥兮雨霏霏水驚波兮翠
管靡白鷺忽兮翻飛君不可兮褰衣山萬重兮
一雲混天地兮不分樹暎暎兮氛氲猿不見兮
空聞忽山西兮夕陽見東皇兮遠村平蕪綠兮
千里眇惆悵兮思君

望終南第二十六

望終南者王維之所作也

晚下兮紫微悵塵事兮多違駟馬兮雙樹望
青山兮不歸

魚山迎送神曲第二十七

魚山迎送神曲者王維之所作也

坎坎擊鼓魚山之下吹洞簫望極浦女巫進紛
屢舞陳瑶席湛清醑風淒淒兮夜雨神之來兮
不來使我心兮苦復苦紛進拜兮堂前目眷眷
兮瓊筵來不語兮意不傳作暮雨兮愁空山悲
急管思繁絃靈之駕兮儼欲旋倏雲收兮雨歇
山青青兮水潏潏

日晚歌第二十八

日晚歌者唐著作郎顧况之所作也况詩

有集然皆不及其見於韋應物詩集者之
勝歸來子錄其楚語三章以為可與王維
相上下予讀之信然然其朝上清者有曰
和為舟兮靈為馬因乘之觴于瑤池之上
兮三光羅列而在下則意非維所能及然
他語殊不近故不得取而獨采此篇亦以
為氣雖淺短而意若差健云

日宵宵兮下山望佳人兮不還花落兮屋上草
生兮階間日日兮春風芳菲兮欲歇老不可兮
更少君胡為兮輕別

復志賦第二十九

晁氏曰復志賦者唐文公韓愈之所作也其自叙云愈從隴西公平汴州其明年七月有負薪之疾退休于居作復志賦以唐書考之隴西公蓋董晉也漢仲舒之後自廣川徙隴西云初貞元十一年宣武李萬榮死李迺作亂鄧惟恭縛迺以歸朝廷伏誅德宗詔晉節度宣武軍始奉愈觀察推官晉受命不召兵直造汴惟恭謀亂晉覺之械送京帥軍迺安愈叙稱明年則貞元十二年也蓋愈自傷幼學既壯而弗獲思復其志以晉知已欲去未可云

居悒悒之無解兮獨長思而永歎豈朝食之不飽兮寧冬裘之不完昔余之既有知兮誠坎軻而艱難當歲行之未復兮從伯氏以南遷凌大

江之驚波兮過洞庭之漫漫至曲江而乃息兮
逾南紀之連山嗟日月其幾何兮攜孤嫠而北
旋值中原之有事兮將就食於江之南始專專
於講習兮非古訓為無所用其心窺前脩之逸
迹兮超孤舉而幽尋既識路又疾驅兮孰知余
力之不任考古人之所佩兮閱時俗之所服忽
忘身之不肖兮謂青紫其可拾自知者為明兮
故吾之所以為惑擇吉日余西征兮亦既造夫
京師君之門不可徑而入兮遂從試於有司惟
名利之都府兮羌衆人之所馳競乘時而附勢

兮紛變化其難推全純愚以靖處兮將與彼而
異宜欲奔走以及事兮顧初心而自非朝騁驚
乎書林兮夕翱翔乎藝苑諒却步以圖前兮不
浸近而愈遠哀白日之不與吾謀兮至今十年
其猶初豈不登名於一科兮曾不補其遺餘進
既不獲其志願兮退將遁而窮居排國門而東
出兮慨余行之舒舒時憑高以迴顧兮涕泣下
之交如戾洛師而悵望兮聊浮遊以躊躇假大
龜以視兆兮求幽貞之所廬甘潛伏以老死兮
不顯著其名譽非夫子之洵美兮吾何為乎浚

之都小人之懷惠兮猶知獻其至愚固余異於
牛馬兮寧止乎飲水而求芻伏門下之默默兮
竟歲年以康娛時乘間以獲進兮顏垂歡而愉
愉仰盛德以安窮兮又何忠之能輸昔余之約
吾心兮誰無施而有獲嫉貪佞之滂濁兮曰吾
其既勞而後食懲此志之不脩兮愛此言之不
可忘情怊悵以自失兮心無歸之茫茫苟不內
得其如斯兮孰與不食而高翔抱關之阨陋兮
有肆志之揚揚伊尹之樂於畎畝兮焉富貴之
能當恐誓言之不同兮斯自訟以成章往者不

可復兮冀來今之可望

閔已賦第三十

晁氏曰閔已賦者韓愈之所作也愈去汴州依武寧張建封辟府推官以鯁直撫後遷監御史上疏極論宮市德宗怒貶陽山令時貞元十八年也憲宗即位始召為

閔子博士稍遷職方員外郎坐論柳渢事舊為博士愈才高數黜官頗自傷其不遇故此賦不就水草以休息兮恒未安而既危君子有失其所兮小人有所得其志終之於無聞云

余悲不及古之人兮伊時勢而則然獨閔閔其
曷已兮憑文章以自宣昔顏氏之庶幾兮在隱
約而平寬固哲人之細事兮夫子乃嗟嘆其賢

惡飲食乎陋巷兮亦足以順神而保年有至聖
而為之依歸兮又何不自得於艱難曰余昏昏
其無類兮望夫人其已還行舟楫而不識四方
兮涉大水之漫漫勸祖先之所貽兮勉汲汲於
前脩之言雖舉足以蹈道兮哀與我者為誰衆
皆捨而已用兮忽自惑其是非下土茫茫其廣
大兮余壹不知其可懷就水草以休息兮恒永
安而既危以拳拳其何故兮亦天命之本宜惟
否泰之相極兮成一得而一違君子有失其所
兮小人有得其時聊固守以靜俟兮誠不及古

之人兮其焉悲

別知賦第三十一

晁氏曰別知賦者韓愈之所作也愈論宮市聚陽山之暇年則歲癸未也時楊僕之為湖南支使以使來愈愛僕之以謂智是以造謀才足以立事忠足以勤上意足以存下又修之以詩書六藝之學宜其從事於是就而流聲實於天朝也以此宣諸李博崔羣賓主謂非已以為邑長於斯而羅夫人者此以送揚歸嘲南不考之愈有謂知僕之故於是別為此賦不知與閑已孰先後而復忘閑已愈自道也故以先別知

余取友於天下將歲行之兩周下何深之不即

上何高之不求紛擾擾其既多咸喜能而好修

寧安顯而獨裕顧阨窮而共愁惟知心之難得

斯百一而為收歲癸未而遷逐侶蟲蛇於海陬
遇夫人之來使闡公館而羅羞索微言於亂志
發孤笑於羣憂物何深而不鏡理何隱而不抽
始參差以異序率爛漫而同流何此歡之不可
恃遂駕馬而迴轉山礧礧其相軋樹翳翳其相
援雨浪浪其不止雲浩浩其常浮知來者之不
可以數哀去此而無由倚郭郭而掩涕空盡日
以遲留

訟風伯第三十二

晁氏曰訟風伯者韓愈之所作也予以論
時澤不下疏風以比小人實為此厲雲以

媿君子欲施而不可得以及夫爲此腐者間
之也此楚辭也而近詩界有吳之義故
繫之於
此云

維茲之旱兮其誰之由我知其端兮風伯是尤
山升雲兮澤上氣雷鞭車兮電搖幟雨寢寢兮
將墜風伯怒兮雲不得止暘烏之仁兮念此下
民閔其光兮不鬪其神嗟風伯兮其獨謂何我
於爾兮豈有其他求其時兮修祀事羊甚肥兮
酒甚旨食足飽兮飲足醉風伯之怒兮誰使雲
屏屏兮吹使醺之氣將交兮吹使離之鑠之使
氣不得化寒之使雲不得施嗟爾風伯欲逃其

罪其又何辭 天孔明号有紀有綱我今上訟
号其罪誰當天誅加号不可悔風伯雖死号人
誰汝傷

吊田橫文第三十三

晁氏曰吊田橫文者韓愈之所作也愈有
大志不為世知故行經橫墓感其義高能
得士而取酒祭橫為文以弔之有傷時思
古慨然有不可復見之意然田橫安足道
哉故其言曰非今世之所希孰為使余敢
變而不可禁也又唐宰相如董晉亦未足
言而晉為汴州刺史奏愈從事愈終始感遇
語稱隴西公而不姓後從裴度亦自謂度
知己然度亦終不引愈共天下事自古以
文學擅世名世思之率不得大柄雖有世
名如世不知故愈躊躇發憤大息於區區
之橫以謂夫苟如橫之好士天下將有賢

於五百人
者至焉

事有曠百世而相感者余不自知其何心非今
世之所稀孰為使余歔歔而不可禁余既博觀
乎天下曷有庶幾乎夫子之所為死者不復生
嗟余去此其從誰當秦氏之敗亂得一士而可
王何五百人之擾擾而不能脫夫子於劍鎗抑
所寶之非賢亦天命之有常昔闕里之多士孔
聖亦云其遑遑苟余行之不迷雖顛沛其何傷
自古死者非一夫子至今有耿光臨陳辭而薦
酒魂髣髴而來享

享羅池第三十四

晁氏曰享羅池者韓愈之所作也愈善柳
宗元宗元為柳州刺史且死語其所常與
遊者曰吾請於此與若等相好也明年吾
當死而死而為神若等祠我如期而致為畢
池神且能動於靈響愈舊宗元為名以實
其事自唐史臣非之夫神不可知孔子乃
不語雖然此非錄羅池神
之文也愈亦宗元之文也

荔子丹兮蕉黃雜肴蔬兮進侯堂侯之船兮兩
旗度中流兮風泊之待侯不來兮不知我悲侯
乘駒兮入廟慰我民兮不嘖以笑鵝之山兮柳
之水桂樹團團兮白石齒齒侯朝出游兮暮來
歸春與鵝吟兮秋鵝與飛北方之人兮為侯是

非千秋萬歲兮、侯無我違、福我兮壽我、驅厲鬼
兮山之左、下無苦濕兮、高無乾、玩祿充羨兮、蛇
蛟結蟠、我民報事兮、無怠其始、自今兮、欽于世

琴操第三十五

晁氏曰琴操者韓愈之所作也愈博學韋
書奇辭奧旨如取諸室中物以其所涉博
故能約而為此也夫孔子於三百篇皆弦
歌之操亦絃歌之辭也其取與幽眇然而
不言最近離騷離騷本古詩之衍者至漢
而衍極故離騷亡操與詩賦同出而異名
蓋衍復於約者約故去古不遠然則後之
欲為離騷者惟約猶近之一操取其四以
近楚辭其刪
六首者詩也

將歸操孔子之趙聞殺鳴犢作

秋之水兮其色幽幽我將濟兮不得其由涉其
淺兮石齧我足乘其深兮龍入我舟我濟而悔
兮將安歸尤歸兮歸兮無與石鬪兮無應龍求
龜山操孔子以季桓子受齊女樂諫不從望
龜山而作

龜之氣兮不能雲雨龜之枿兮不中梁柱龜之
大兮猗以奄魯知將隳兮哀莫余伍周公有鬼
兮嗟余歸輔

拘幽操文王美里作

目窈窈兮其凝其肅耳肅肅兮聽不聞聲朝不
日出兮夜不見月與星有知無知兮為死為生
嗚呼臣罪當誅兮天王聖明

殘形操曾子夢見一狸不見其首作

有獸維狸兮我夢得之其身孔明兮而頭不知
言凶何為兮覺坐而思巫咸上天兮識者其誰





